

天元歷理全書

通鑑纂要卷之六

北齊武成皇帝先生鑒定 嘉興徐 發國臣著輯

### 三正說

天元四子與合璧連珠之象著矣。三統循環與斗綱四  
建之理通矣。然後知嵩山道人所謂三正未亡非虛語  
也。蓋天官甲子篇原有四正之目。猶今之五官正耳。故  
楊雄曰。南正重司天。北正黎司地。北正國語言司天司  
地。則必有東正西正矣。特古人取義不同。所謂三正。

宋史卷一百一十五  
當不出三才之義。所以昭示天地神祇物類之官于後世也。故又曰：南正重司天以屬神，北正黎司地以屬民。然則三正非亡也。九黎亂德，民神雜揉，而三才之正不得其職耳。是以春秋之季，觀射父猶能言之。蓋狄泉之難，子朝實以故府典章奔楚，何必三正之不在楚乎？今嵩山道人謂一圖有三正，本得之山中石室，向婁禹書丹臺帝跡，隱顯有時，未可盡廢。況其數有足徵，理有可信者乎？用是更爲詳說焉。則諸家術學不謀而合者甚多矣。

天統為命禽天元說 全圖見前二卷

上元甲子冬至子之太陽躔宿九度在北極之下

為天統之初象蓋北極之下為水萬物生于水此天統

所以起子中也故子位之宿皆屬水蛟龍蟠引實維水

禽水之上為地獐鹿馬貉兔遊焉是為地禽地之上

為山虎豹羊解非山不居是曰山禽山之上為林木

猿猴牛犴實安林藪是曰林禽林木之上為天本乎天

者親上鳥雉燕鼠蝠之役皆能親上者也為飛禽

亦曰天理盡而人事興生殺德刑由之起狼獾為賊害

之獸猪狗為禮食所需是曰家禽曰敵禽亦曰剛禽柔

禽蓋有善必有惡有福必有害天人一德也先天之  
風澤與乾居上山雷與地居下有親上親下之義故聖  
人命禽亦自下而上猶易卦自貞而悔六合配順逆  
相應得其理則福至而害息失其理則害會而善墮地  
愈高而禽愈微處愈卑而物愈貴故水禽能制天禽飛  
禽能制山禽最下者地禽林禽必待合而爲功此禽是  
所以爲制化之本也若乃列宿之名蓋亦有義焉王衡  
之下爲軫軫者帝車之輓也天官書斗爲帝車運乎中  
央軫前爲角爲亢爲星角者駕車之牛亢者牛極其者  
爲繫用以引牧謂駕必爲前道軫後爲翼爲張所常

古車後必設兩旂如張翼然。星者旂之所畫。古旂必畫日月星宿或蛟龍。柳。嬰也。所以障蔽。狼不仁之獸也。後人易之以。以。鬼。弧。弧。弓也。罰伐也。斧鉞也。參。參。旂。後人易之以。以。井。鼎。旄。頭。畢。雲。罕。皆車行所用之物也。蓋自亥而子而丑而寅卯辰爲陽。陽主動。故爲行動之象。胃者脾之府。倉廩之官。所以受穀食。生養萬物者也。養必安其居止。其行牛繫曰婁。繫而止之。所以就養也。壘土曰奎。高阜也。所以正方面。駕屋曰室。版築曰壁。養之所由居。以息也。虛者虛梁。危者榱桷。室之所由成也。女以織。牛以耕。斗挹箕揚。皆西成之功。居養之本也。居養足而生育繁。

息尾之爲言。肇尾子如魚而傳。乃說生養。旣成教化。乃起心爲明堂主宰。出焉房爲次舍。神明守焉。禮義得而心安。其舍靜之至也。蓋自己而午而未而申。酉戌爲陰。陰主靜。故皆爲守靜之象。此又古人定命之理也。至如紫微垣向亥帝座臨之。所謂照臨下土。乃瞻西顧也。斗建起于此。十二支數起于此。天禽角亢亦起于此。天道履端之始也。斗杓所指。旣分子亥左右。攝提兩判陰陽。直紫微帝坐天門之中。以分左右順逆爲出政之始。故羲和曠職而攝提失方。攝提爲斗運綱紀。首出庶物之源也。華蓋之柄下垂而立。天皇大帝尊居太上雲漢如

環覆幕六合斗威如仰承流布化高卑以陳動靜有常  
太初之體實然故子代父政君逸臣勞爲生人之定分  
文昌八穀文事也天勾天栴武事也文東武西貴農賤  
穀元始之象實然故文事尙左武事尙右明農以東行  
刑以西爲百職之定列壁在巳井在卯皆東方也故曰  
東壁曰東井氐在乾故曰天根貫索在戌故曰天牢陽  
門卽陽關在亥故爲中國之西北占主邊塞南門在角  
軫間夏至之南門也軍南門在奎壁間冬至之南門也  
勾陳在室壁間屬未舍塋蛇在婁胃間屬巳舍故戌爲  
勾陳巳爲塋蛇軒轅旗青龍之體在星張間故東方爲



青龍尾宿有伏虎之形。又名尾虎。在西戌間。故西方爲  
白虎。鬼者魁也。魁者首也。乃天河之首。尾者天河之尾。  
魁爲男子之象。在寅。故男甲起于寅。女者女子之象。在  
申。故女庚起于申。天乙太乙立于東垣之傍。冬至隨天  
而升。自亥至卯。斗綱所貫得十二舍之陽。故陽貴順行。  
夏至斗綱隨天而降。自巳至酉。得十二舍之陰。陽順陰  
逆。故陰貴逆行。凡陰陽術家之說。合乎天統者。多皆古  
之傳也。

參

演禽書

謂翻禽倒將。能制敵禦寇。與太乙趨甲相表。

裏有值年之禽。有值月值日值時之禽。大約以時爲主。日爲客。禽性喜忌爲制。伏吞陷似亦近理。然其所謂天禽地禽山禽水禽家禽者。多厯雜淺近。疑有傳習之誤。大約術士多以師傳爲本。不能攷理。壁經伏生口受。尚多遺誤。況術士耶。其年禽之序。餘試可依喻氏舊本。推得嘉靖三十三年甲寅歲角木蛟值年乙卯亢丙辰氐。周而復始。今上元甲子斗杓指天門亢宿。實在天門之右。禽星左行。故以氐爲符頭。距今嘉靖甲寅凡八萬五千七百九十一年。以二八除之。餘二十七年。正值角宿。殆亦古人之遺術也。其法以

用事日甲巳符頭之禽爲將星加用事時上順數尋  
時禽所在爲自身之地卽從自身時禽逆轉數至本  
時上所得之禽爲他人天禽正將再從天禽逆數仍  
到時上所得之禽爲他人副將或半轉而得正將則  
無副將矣乃以主客二禽吞陷制伏畏避爲吉凶勝  
負斷之具詳本經

〔六爻與易卦同體〕

柔 飛 林 山 地 水

亥 姤 巽 姤 交 變


剛 飛 林 山 地 水

# 七宿俱屬斗綱




經曰斗魁四星  
屬陰逆而右旋  
斗杓三星屬陽  
順而左旋禽星  
起魁轉杓終于  
天權運化無端  
即太極混元之  
然奇門遁甲之  
理加左輔右弼  
即九星破軍金  
為剛星故屬太  
陽武曲水為柔  
星故屬太陰

太極之初天地未分陰陽互根其象如此



四星方即渾元之陰炁分而為地



三星圓即渾元之陽炁分而為天



嵩山道人曰斗綱所以為萬事主宰者其炁本于太極渾元陰陽判而為天地其精舒而為斗之杓魁天理出焉於是人物生而萬事起焉天之有斗猶人之有胞胎生化不窮故人能知斗炁修而養之可以長生斗以七宿為四方之使分攝剛柔五行之用故人能知禽使順逆制化而運之可以理國用兵與遁甲相表裏矣其法始于天元故附于此

飛禽說

元素經曰演禽之法其用無窮世術皆不得其妙以常  
事占之多不驗猶夫奇門剋應半屬欺人。要知此二種  
術專于兵家之用蓋兵者凶氣殺伐之威禽之在天如  
國之有將天有北斗如國之有相相主內政布德施惠  
將主外政除惡救災故演禽奇門獨驗于兵家嵩山道  
人謂黃帝造奇門九宮所以制金神其理從無解者真  
洩天之秘也是以武侯用之爲八陣而霸蜀太宗用之  
六花而定變道家用之役使鬼神術家用之禁氣降魔  
夫豈近効哉世人用之求財見貴旦暮燕私猶夫使狸

天元曆理

八

卷一百一十一

七

捕蚤以馬代耕。烏能責其必効乎。讀是天正禽星者。幸毋忽諸。龍門子謂得其人不待告。殆謂是歟。

起天元禽星宮位法

經曰：天皇氏之世，陰陽分判，五炁成形，周環運化，爰始軌道，聖人出焉，乃命群靈，因方職理，援象定名，厥有禽宿二十八物，以理十二方隅，劃疆分度，氣化列焉，是爲六飛之治，乃天皇氏之初，三正之一也。

置天周三百六十五度，二五八五三八，以十二歸之，各得三十〇度四三八二一五，用古度軫八度五，起于中，爲天正冬至夜半斗衡建子，天元度除全宿餘，不全宿，得氐初度，爲玄枵之次，水禽蛟龍管事。

自氐初度至尾六度，爲娵訾之次，地禽貉兔孤管事。



自尾六度至斗八度爲降婁之次。山禽、虎、豹管事。

自斗八度至女四度爲大梁之次。林禽、獬牛管事。

自女四度至危十二度爲實沉之次。飛禽、蝠鼠、燕管事。

自危十二度至奎初度爲鶉首之次。柔禽、猪、狗管事。

自奎初度至胃三度爲鶉火之次。剛禽、狼、狗管事。

自胃三度至畢九度爲鶉尾之次。飛禽、雉、鷄、鳥管事。

自畢九度至井十二度爲壽星之次。林禽、猴、猿管事。

自井十二度至柳六度爲大火之次。山禽、犴羊管事。

自柳六度至張十四度爲析木之次。地禽、獐、鹿、馬管事。

自張十四度至轸九度爲星紀之次。水禽、蛇、蚓管事。

起四值禽星法

經曰禽星乃天使之將歲月日時各有其職四正四符  
交禪其則陰陽變化幽微莫測智者窺其理而得其制  
虎豹有護身之功拙者昧其性而失其用鼠燕有穿屋  
之賊此演禽術所攸起也今考演禽法歲月日時各有  
一禽耳三統法歲月日各有四禽禪代而時禽有八蓋  
每刻一禽其理尤微以法求之與今曆家四值禽星皆  
合矣

置上元距算八萬二千八十以氏宿起值甲子年

氏爲天根

斗杓所指居天門之左攝提之下上元甲子二十八爲

冬至夜半正當乾位受命帝庭而出治也

周法累除之餘不滿周一十二入中元甲子歲應起奎

宿以奎畢鬼翼辰箕虛為七元甲子符頭以七為元者第八甲子又

起奎也中元距天啓四年凡六十三甲子為七元九周則

天啓甲子又為一元之首起奎宿今大清康熙甲子

應起畢宿為值年禽星與時憲曆合若每年必四宿分

值四時甲年夏宿即為乙年春宿其法稍不同上元甲

子冬至日禽起鬼宿鬼者魁也斗魁所在又為天河之首故日禽起焉年禽起杓而日禽

起魁亦以斗綱為法也

置上元距算歲積二阡九九七萬九〇九六日九三〇

七二亦以周法除之

餘不滿周者○日九三○七二爲中元甲子天正冬至  
日又起鬼宿爲值日禽星再置中元距今 康熙甲子  
天正冬至積加中元小餘○日九三○七二通得一百  
四○萬二五三一曰七八一二八爲康熙甲子天正冬  
至日亦以周法除之餘一十一日七八零應尾宿值日  
亦與時憲曆合每日四宿分値子午卯酉四象甲日卯  
宿卽乙日子宿

其值月之禽以日虛月鬼火箕水畢木氏金奎土翼爲  
七子符頭每月亦四禽相代管朔望上下弦其值時之  
禽以日鬼月翼火氏水箕木虛金奎土畢爲七子符頭

獨以八禽相代子時之第二禽卽五時之第一禽也蓋  
天元冬至子之半氐宿四星直斗杓鬼宿四星直斗魁  
氐爲土宿月禽當起翼翼宿四星直斗衡十二禽星俱  
在斗下其前後八宿皆值于奎年禽第四星尾順數至  
奎凡八日禽鬼逆數至  
奎亦則皆斗綱三合之義也其七子符頭法與演禽經  
亦合

參

【太乙統宗】七元值宿禽星術謂陰陽選擇等書皆以  
元泰定甲子鬼宿值年至明天啓甲子奎宿值年蓋  
天元曆法七政四餘俱起氐宿謂氐爲天根故以氐

箕虛奎畢鬼翼爲七甲符頭。恭諸授時大統回回等  
曆無不脗合。然又有福應景祐二經值宿纂圖其上  
古甲子積元起鬼宿。金鏡式經開闢甲子起翼宿。皆  
有加盈差一百八十年。或二百四十年。或六十年。算  
至天啓甲子。不應起奎而起畢。總差六十年。進四宿。  
乃民間僞錄陰陽坊書。于出師戰鬪。不可輕用。發按  
此。余養玄之論。得其理矣。夫飛禽值將。本出古法。若  
太乙統宗。雖出自李唐。已有四值禽星術。則其來亦  
久。每年挨排。安得忽差六十年。始近代術家增年。以  
欺人自異耳。且如康節之精。尚不能辨劉歆增年。詳前

卷 夏商帝王在位一本皇甫謐世紀之妄何況邵子  
以後言皇極者各家又不同任意增減以求希合則  
此諸術積年誠何足論明理者自當知之今三統天  
元年禽起氏日禽起鬼月禽起翼時禽起奎與授時  
大統回回等曆及天元曆法選擇等書皆合其爲術  
不爽矣

地統爲分野地元說 全圖見二卷

其矣所謂分野者之不可解也。吳齊在東南而屬子丑。秦晉在西北而屬未申。宋鄭皆南服也。占于卯辰。魯衛實東藩也。占于戌亥。果何說乎。至角亢本鄭野也。而魯國泰山濟北皆隸之。室壁本衛野也。而天水隴西酒泉張掖金城武威敦煌皆隸之。參背晉野也。而越雋犍爲梓潼蜀郡皆隸之。更垂舛矣。或曰羌隴滇蜀非禹服所有。漢人但以新闢之土據方隅而增配焉。則室壁在西。北爲羌隴。參背在西南爲滇蜀。亦宜矣。然古自今。自今豈天地神靈亦能分應乎。且魯國泰山古聖人之封。



域也。本屬奎壁。而又更之角亢。則何也。羌隴滇蜀。旣爲  
新土。得以時王。方隅命之矣。而雲中定襄。越雋太原。又  
何以屬之。鶡首非間也。種種窳亂。歷代不能通曉。惟唐  
一行。以兩戒山河。與雲漢升降分疏。頗似近理。然亦多  
勉強。文家乃以左氏封國世紀之說言之。然則秦漢以  
後。無分土世紀。遂無分野乎。竟不知上元有三正之制。  
分野實出地統。地統之首。冬至子之半。太陽經畢九度。  
居子中地統。聖人乃立爲分野之法。原不過順天地自  
然之理。所謂物物一太極耳。故就禹貢九州。卽以九州  
之中爲斷。而四海六合由此定。直是一指南羅盤。從來

未覺者也。畢九在子中，則軫九在申中矣。于是角軫分界，未申間，其中在河洛角亢氏房爲南服矣。故得宋鄭宋卽今之潁，漢鄭卽今之南鄭，在漢中府，蓋古鄭地。今華山以西，通池南洛間皆是。竹書穆王作祗宮于南鄭，卽此古鄭，非號鄭之新鄭也。新鄭斗牛女虛爲東藩矣。始自鄭桓公在後，非古分野之鄭。故得吳齊，婁昂畢爲北境，故得趙晉，井鬼柳星爲西土，故得周秦，惟是燕在朔易，而屬東南之箕尾，最爲不類。百粵荆廣綿亘萬里，俱入翼軫，魯衛兄弟，僅數百里，分屬兩舍，亦有可疑。蓋尾箕本越也，而後人作燕，則秦漢之改易也。漢初尉陀最負固，故黜之而易以燕。然漢時三正已亾，甘石所存，惟人正耳。乃卽人正而以燕在

寅方卽屬尾箕。此增竄之悞謬也。按昭公三十二年夏吳伐越。史墨謂越得歲而吳伐之。吳越本屬兩舍。法推得是年辛卯夏歲星正在析木之津。尾箕之分。則尾箕本屬越。確矣。故至今以星紀屬吳越兩國。殆不欲沒其舊耳。夫越之地甚廣。古稱百粵。何以十一舍各占一國。而星紀獨占二國乎。若乃燕者。齊魯之右臂。晉趙之東鄰。天官書曰。燕齊之疆。候在辰星。占于虛危。辰星爲北方主宿。而燕與齊接壤。故同占虛危。則燕固自有在矣。春秋元命苞曰。營室流爲并州。分爲衛國之鎮。鎮作真。卽今之真定。蓋并州以東屬營室。故曰分而永平間古。

實稱營州然則燕之分野本卽魯衛之外方而漢人黜  
越以易之此竄改之迹尤著者也若乃楚者滇黔之地  
所謂鬼方也微瀝彭濮庸蜀羌髳無非楚焉自後荆楚  
漸東而爲郢中之楚又東而爲丹陽之楚又東而爲淮  
徐之楚地愈廣而愈失分野之舊非理矣蓋分野本出  
上古故方國亦屬古疆域而帝王之興或易以時制要  
之天地神靈自不變耳周書作雒解曰乃作大邑成周  
于土中南繫于洛水北因于荆山以爲天下之大濠制  
郊甸方六百里分以百縣縣有四郡乃設丘旒于南郊  
以祀上帝配上帝以后稷日月星辰先王皆與食諸受

命于周。乃建大社于周中。其遺東青土。南赤土。西白土。北驪土。中央壘以黃土。將建諸侯。鑒取其方一面之土。苞以黃苴。以白茅。以爲封土。此卽周初之分野也。然周初雖作洛分野。而不改古聖人之舊制。故夫子曰。因禮損益。十世可知。後人略不知分野之源。但以近世建制窳易之。輒曰。時王之制。意其誰欺欺天乎。

叅

易曰。河出圖。洛出書。聖人則之。大約古人大地陰陽術數之理。未有不本于河洛者。九州之中也。故分野亦以河洛爲中。周髀測景亦以王城爲準。若後世建

都偏僻術亦屢變失天地之正矣

**河圖括地象**云天左動起于牽牛地右動起于畢

子云天左舒而起牽牛地右闢而起畢按地起

畢昂即地正之象五緯出自漢人戶倣戰國人始亦

能知三正之殘缺而不全者也故以天動爲起牽牛


春秋之末戰國之際日原在牽牛故不知三正之全

理但以天起牽牛與地起畢昂並言不及入正或以

人正世人所知耳近世王弼州外集亦有謂道家祭

地起昂宿不知從何來殆亦相傳之古制也

# 古分野圖



合黎河從西域沙磧下來其源自葱嶺山蒲昌海又入西北沙漠中其東派即弱水源亦從地下出合于黃河張騫所謂星宿海者實河之別派也


二、考古之四






漢術分野圖

蔡邕月令章句曰自危十至壁八衛自壁八至胃一  
 宿分宮度自胃一至畢六趙自畢六至井十畜自井  
 十至柳三木自柳三至張十二周自張十二至軫六  
 楚自軫六至亢八鄭自亢八至尾四宋自尾四至斗





六燕自斗六至女二。越自女二至危十。齊今衛家所用祿命圖。卽此。而過宮之度。稍有不同。乃由司天家測天之地。南北異耳。

按此圖出自戰國之世。甘石所守周初曆象。三正既亡。惟周初曆象爲時王之制。乃得僅存耳。分野雖仍古舊。實參諸戰國疆域。故又與古法稍異。若魯衛之相易。古術在魯右。周封之術實。在魯左也。若并越于吳。而易之以燕。則漢人之變法矣。漢初燕最有功。燕滅秦以燕地降楚越最負固。尉陀至武帝末始降漢故易之燕。燕適在東北。寅地。古法似以齊秦趙楚越五大國爲外方。其餘七國俱屬內方。理或有之。若劉安天文訓。但以角亢爲中宮。更無謂矣。後世術家江漢以南皆屬翼軫之楚。亦是外方之意。然漢世丹陽淮徐俱屬楚地。

豈翼軫二宿獨管半天下乎。况天象實圓。列宿周環。古人分星定野。所謂野者。卽列宿所經之天體也。左右。右天象不變。何得于土地所屬。獨任意以分內外乎。今堪輿家用指南取向。羅盤定方。禍福有驗。豈非分星定野之至理。而必以穿鑿內外。矯誣惑亂。非理之確也。所以歷代術家改竄不同。但取迎合時人。卒無一定之說。占家亦多附會欺世盜名。要之天象自與古法默契。非歷考諸術之刺謬。不足以明古法之不可易也。今以漢唐諸家並列於後。知非一術可據矣。

分野異同考

史記天官書

角亢氐充房心豫尾箕幽斗江牽牛湖婺女揚虛危

營室東壁井奎婁胃徐昂畢冀觜參益東井輿

鬼羅柳七星張三河翼軫荆

劉安天文訓

角亢鄭氐房心宋尾箕燕斗牽牛越須女吳虛危齊

營室東壁衛奎婁魯胃昂畢魏觜參趙東井輿鬼

秦柳七星張周翼軫楚

班固漢書地理志皇甫謐世紀同惟魏作晉魏

角亢氏韓房心宋尾箕燕斗吳牽牛越婺女虛危

營室東壁衛奎婁魯胃昂畢趙觜參魏東井與鬼

秦柳七星張周翼軫楚

天官分野以九州似古人之遺然益州開自漢武帝  
宜亦漢世更定劉安訓則春秋之後三晉既強時人  
所作也若班氏列國下又各詳敘邑名大約周魯衛  
宋最少不過數城秦楚韓趙魏最廣南至巴蜀越雋  
北至敦煌上郡皆屬秦潁漢屬韓汝南開封又屬魏  
而蒼梧交趾九真日南皆爲越分甌閩尚未及焉此  
的係七國時秦人所作故蔡邕月令章句因之以月

今爲秦書也。總較諸家。劉安爲得矣。鴻烈出自文景之世。史記作于武帝後。况角亢宜徐而作兗。奎婁宜兗而作徐。觜參宜雍而作益。井鬼宜益而作雍。州名雖古。未必非術家所托。豈傳述之訛歟。是以班蔡皇甫皆宗劉安而不用史記。良有道矣。

唐一行雲漢升降說

東井據百川上流。故鶉首爲秦蜀墟。爲兩戒山河之首。又觜觿參伐在河陰。故質沉下流。得大梁距河稍遠。按此亦與地統象同。特不得三統之理。而以五月陰生。雲漢潛萌于坤維之下爲始。穿鑿矣。至以南

于中起女  
度實地  
統正度亦  
舊曆之遺

河負海爲星紀北河負海爲析木南北倒置勉強支  
離矣故其文雖美論者所不取今姑以其更定十二  
次疆域備考驗焉

須女虛危玄枵也初須女五度餘二千三百七十四秒  
四少中虛九度終危十二度其分野自濟北東踰濟水  
涉平陰至于山荏循岱岳衆山之陰東南及高密又東  
盡萊夷之地得漢北海千乘淄川濟南齊郡及平原渤  
海九河故道之南濱于碣石古齊紀祝淳于萊譚寒及  
斟尋有過有鬲蒲姑氏之國其地得陬訾之下流自濟  
東達于河外故其象著爲天津絕雲漢之陽凡司人之



九河末派  
則天津也  
與吳越相  
去數千里  
安得同占  
焉娶女

星與辟臣之錄皆主虛危故岱宗爲十二諸侯受命府  
又下流得娶女當九河末派比于星紀與吳越同占  
營室東壁陬訾也初危十三度餘二千九百二十六秒  
一太中營室十二度終奎一度自王屋太行而東得漢  
河內至北紀之東鴈北負漳鄴東及館陶聊城又自河  
濟之交涉滎波濱濟水而東得東郡之地古邯鄲衛凡  
胙邢雍共微觀南燕昆吾豕韋爲上流當河內及漳鄴  
之南得山河之會爲離宮又循河濟而東接玄枵爲營  
室之分

全婁降婁也初奎二度餘千二百一十七秒十七少中

漢書地理志  
北云陽  
似分南北  
而地實東  
西之分終  
焉

婁一度終胃三度自蛇丘肥城南屆鉅野東達梁父循  
岱岳衆山之陽以負東海又濱泗水經方輿沛留彭城  
東至于呂梁乃東南抵淮並淮水而東盡徐夷之地得  
漢東平魯國琅邪東海泗水城陽古魯薛邾莒小邾徐  
邾鄆邾邾邾任宿須句頓夷牟遂鑄夷介根牟及大庭  
氏之國奎爲大澤在陬訾下流當鉅野之東陽至于淮  
泗婁胃之墟東北負山蓋中國膏腴地百穀之所阜也  
胃得馬牧之氣與冀之北土同占  
胃昴畢大梁也初胃四度餘二千五百四十九秒八太  
中昴六度終畢九度自魏郡濁漳之北得漢趙國廣平

鉅鹿常山東及清河信都北據中山真定全趙之分又北逾衆山盡代郡鴈門雲中定襄之地與北方塞外諸國北紆之東陽表裏山河以蕃屏中國爲畢分循北河之表西盡塞垣皆髦頭故地爲昴分冀之北土馬牧之所蕃庶故天苑之象存焉

觜觿參伐實沉也初畢十度餘八百四十一秒四之一中參七度終東井十一度自漢之河東及上黨太原盡西河之地古晉魏虞唐以揚霍冀黎郇與西河戎狄之國西河之濱所以設險限秦晉故其地上應天闕其南曲之陰在晉地衆山之陽南曲之陽在秦地衆山之陰

陰陽之氣并。故與東井通。河東永樂芮城。河北縣及河  
曲豐勝夏州。皆東井之分。參伐爲戎索。爲武政。當河東  
蓋大夏之墟。上黨次居下流。與趙魏接。爲背觶之分。  
東井與鬼鶉首也。初東井十二度。餘二千一百七十二  
秒十五。太中東井二十七度。終柳六度。自漢三輔及北  
地上郡安定。西自隴坻。至河右。西南盡巴蜀漢中之地。  
及西南夷捷。爲越雋益州郡。極南河之表。東至犍柯古  
秦梁。幽芮豐卑。駘杜有扈。密須庸蜀。羌髳之國。東井居  
兩河之陰。自山河上流。當地絡之西北。與鬼居兩河之  
陽。自漢中東盡華陽。與鶉火相接。當地絡之東南。鶉首

之外。雲漢潛流而未達。故狼星在江河上源之西。弧矢  
大雞。皆徼外之備也。西羌吐蕃。吐谷渾及西南徼外夷  
人。皆占狼星。

柳七星張。鶉火也。初柳七度。餘四百六十四秒。七中七  
七星七度。終張十四度。北自榮澤。榮陽。並京索。暨山南。  
得新鄭。密縣。至外方東隅。斜至方城。抵桐柏。北自宛葉。  
南暨漢東。盡漢南陽之地。又自維也。負北河之南。西至  
谷。逾南紀。達武當。漢水之陰。盡弘農郡。以淮源桐柏東。  
陽爲限。而申州屬壽星。古成周。號鄭。管鄆東。號密。滑焦。  
唐隨。申鄆及祝融氏之都。新鄭爲軒轅祝融之墟。其東

鄭則入壽星。柳在與鬼東。又接漢源。當商洛之陽。接河上流。七星係軒轅。得土行正位。中岳象也。河南之分。張直南陽。漢東與鵠尾同占。

翼軫鵠尾也。初張十五度。餘千七百九十五秒二十二。太中翼十二度。終軫九度。自房陵白帝而東。盡漢之南。郡夏東達廬江南部。濱彭蠡之西。得長沙武陵。又逾南紀。盡鬱林合浦之地。自沅湘上流。西達黔安之左。皆全楚之分。自富昭象壘。繡容白廉州已西。亦鵠尾之墟。古荆楚鄖郢。都羅權巴。夔與南方蠻貊之國。翼與昧張同象。當南河之北。軫在天關之外。當南河之南。其中一星主

長沙者車  
影中之沙  
王也

長沙逾嶺微而南爲東甌青丘之分安南諸州在雲漢  
上源之東陽宜屬鶉火而柳七星張皆當中州不得連  
負海之地故麗于鶉尾

角亢壽星也初軫十度餘八十七秒十四少中角八度  
終氐一度自原武管城濱河濟之南東至封丘陳畱盡  
陳蔡汝南之地逾淮源至于弋陽西涉南陽郡至于桐  
柏又東北抵嵩之東陽中國地絡在南北河之間首自  
西傾極于陪尾故隨中光皆豫州之分宜屬鶉火古陳  
蔡許息江黃道柏沈賴蓼須頓胡防弦厲之國氐涉壽  
星當洛邑衆山之東與亳土相接次南直潁水之間以

太昊之墟爲亢分。又南涉淮。氣連鶉尾。在成周之東陽。爲角分。

氐房心大火也。初氐二度餘千四百一十九秒五。太中房二度終尾六度。自雍丘襄邑小黃而東。循濟陰界于齊魯。右泗水達于呂梁。乃東南接太昊之墟。盡漢濟陰山陽。楚國豐沛之地。古宋曹郕滕茅郛蕭葛向城偃陽申父之國。商毫負北河。陽氣之所升也。爲房分。其下流與尾同占。西接陳鄭爲氐分。

尾箕析木津也。初尾七度餘二千七百五十秒二十一。少中箕五度終南斗八度。自渤海九河之北。得漢河間。



涿郡廣陽及上谷漁陽右北平遼西遼東樂浪玄菟古  
北燕弧竹無終九夷之國尾得雲漢之末派龜魚麗焉  
當九河之下流濱于渤海皆北紀之所窮也箕與南斗  
相近爲遼水之陽盡朝鮮三韓之地在吳越東南  
斗牽牛星紀也初南斗九度餘千四十二秒十二太中  
南斗二十四度終女四度自廬江九江負淮水南盡臨  
淮廣陵至于東海又逾南河得漢丹陽會稽豫章西濱  
彭蠡南涉越門訖蒼梧南海逾嶺表自韶廣以西珠崖  
以東爲星紀之分也古吳越分野廬桐六蓼及東南百  
越之國南斗在雲漢下流當淮海間爲吳分牽牛去南

河窻遠自豫章迄會稽南逾嶺徼爲越分

按此十二分野實本劉安天文訓然周禮鄭玄注云九州諸國封域於星亦有分其書亡矣世與家雖有郡國所入度非古數也今其存可言者十二次之分星紀吳越玄枵齊姬訾衛降婁魯大梁趙實沉晉鶉首秦鶉火周鶉尾楚壽星鄭大火宋析木燕然則分星之制實古而其書漢世已亡所憑惟術家之傳却與馬班二史稍異鄭玄精術數之學舍彼取此必有見矣故唐一行用之雖然天地之奇亦一理耳天象至圓方隅定位以至圓配定方亦不過左左右右東

南○西○北○不○失○其○次○耳○吳○越○之○右○爲○齊○魯○齊○魯○之○右○爲○燕○趙○何○以○燕○別○居○吳○越○之○左○此○理○所○不○能○通○者○若○謂○古○聖○人○別○有○其○理○原○不○可○解○則○趙○之○右○爲○晉○晉○之○右○爲○秦○秦○之○右○爲○周○爲○楚○爲○鄭○爲○宋○爲○吳○又○皆○不○素○十○一○次○皆○不○素○而○獨○一○燕○越○之○相○借○豈○神○靈○聖○人○之○理○固○若○是○乎○乃○因○一○燕○越○之○不○可○解○而○一○行○又○任○意○穿○鑿○假○借○雲○漢○分○配○諸○國○益○妄○矣○夫○聖○人○作○易○義○和○厯○象○皆○以○冬○至○陽○生○爲○本○而○獨○取○五○月○爲○雲○漢○升○降○之○始○吾○不○敢○信○也○

晉書地理志

角亢鄭分

州官余州

曹漢

任城

山陰

泰山等

氏房心宋分

州官潁州

汝南

上蔡

大梁等州

尾箕幽燕分

州官幽州

上谷

漁陽

北平

西河

南斗牽牛吳分

江官吳國

豫章

揚州

九江

廬

女虛危齊分

登官齊州

青州

泗水

陸安

北海

室壁衛分

晉國

絳都

安定

隴西

等州

奎婁魯分

魯國

兗鄆

緡青等

胃昂畢趙分

常官冀深趙

廣平

膠東

襄都

鉅鹿

觜參晉分

河官中北

并州

衛國

京國

等州

大元曆理

八考古之四

五

井鬼秦分

管雍州

皮陂

秦城

果生部涇等州

柳星張周分

管三河等處

弘府

夾府

蒲郡

河南

翼軫楚分

管荆南等州

洪州

潭州

豐州

襄陽房

按此乃近代術家相傳之術角七鄭分與山陽泰山何涉蓋因新鄭汝許宛葉之間舊有魯陽因誤爲太山之魯也今姑存之以俟明理者參攷

分野宜更說

歷代分野各有不同。大約易一姓必更一制耳。李唐以前猶不甚變。古宋元以後。及太乙壬家諸書。竄亂益平矣。如魯在兗。又入于許。穎徐在宋。又入于濟。泗東既在兩粵。又同于楚。交趾日南在楚之西南。又合于吳。任意改竄。但牽引古人一說可解。便爲有本之學矣。嗚呼。天地神鬼之秘。山川星烝之靈。固聽諸術士附會搬弄者乎。余嘗博稽史志。星變剋應。惟古法多驗。而燕越嘗少。蓋三正之作。神聖之遺。萬世不可變者。故有扈忘棄而夏后是討。至今人正司命宮位。往往不爽。善言天者。驗

于○人○則○分○野○之○宜○復○古○又○何○疑○乎○余○因○略○推○上○古○聖○人○  
分○野○之○初○意○而○參○以○時○制○之○沿○革○焉○隴○以○西○金○城○酒○泉○  
張○掖○玉○門○而○外○宜○屬○之○井○乃○秦○之○餘○也○岷○嶓○以○西○松○潘○  
而○外○屬○之○星○張○乃○岐○周○之○右○臂○也○漢○沔○以○南○巴○蜀○邛○笮○  
以○至○滇○雲○交○緬○則○屬○之○翼○軫○實○楚○之○支○也○鄭○竹○柳○慶○以○  
底○欽○廉○交○海○當○屬○角○亢○皆○古○鄭○之○南○垂○也○汝○鄧○以○南○荆○  
湘○衡○廣○袁○詒○以○西○當○屬○大○火○實○祝○融○之○正○位○也○賴○毫○而○  
上○以○出○江○黃○鄱○賴○平○湖○海○連○及○八○閩○當○屬○尾○箕○實○古○  
粵○之○所○直○也○漢書五行志文帝後七年九月有星孛于西方其本直尾箕箕末指虛危劉向以爲尾  
宋地今楚彭城箕爲燕又爲吳越後三年吳楚七國皆反誅滅按此漢初雖有其爲燕之說而劉向不以爲占


故天道人事亦不應。又元興元年四月流星起斗行。至  
于須女。志曰：須女燕也。此卽天官書燕齊同占之意。以  
須女在北耳。原未嘗專屬尾箕。後代剋應在尾箕者。亦  
甚少。惟天寶九年五星聚于尾箕。十四年安祿山反。叛  
于范陽。稱燕帝。論者以爲尾箕之應。然不及二年祿山  
遂滅。慶緒亦敗。五星聚必有天象。大變革。非其應也。  
矣。蓋尾箕爲後宮之占。自唐有天下。政出後宮者累世。  
迨楊氏之禍。至此而極。卒爲亂軍所除。故志曰：熒惑星  
先至而先去。熒惑者。辟山。若乃徐淮以東。廬楊松浙專  
象也。自此而後。文禍稍息。若乃徐淮以東。廬楊松浙專  
屬之。斗牛不失其舊耳。淮海之北。青兗登萊。實當東正  
也。虛危亦其定。其衛之下流。濟汶之北境。九河之間。  
及遼海之廣。則皆室壁。次幽燕之境。真保廣魏。乃在奎  
與婁。澤潞以西。抵乎大河。恒山之北。訖乎雲中。仍屬胃  
鼎之舊。大河以西。延朔以北。靈夏之間。仍歸參畢。亦晉




野之○本○界○若此則地統之分墟不紊○古聖人之遺意○仍有在○可以永久而無愆○有改制之名而無改制之實○庶幾稍近之○或曰○然則帝王制度○一堪輿家羅盤盡之歟○答曰○堪輿家羅盤○非古聖人制度耶○相傳周公作指南神車○愚竊以爲不僅周公也○伏羲乾南坤北○離東坎西○苟非此從何而定○若以爲日出入可憑○大地之旁○有以日入爲晝○日出爲夜者矣○又何爲斷要○惟此一針之性能周遍天地而不移○歷窮萬古而不變○乃太極造化實生此一物爲辨方正位之本○故周公作維○以爲天下大○奏夫奏者輻輳也○雖一墮之小○東西南北四面異土則

必方隅從此而分。因以針界直之。雖數萬里而不變實。  
無異堪輿指南之理。豈予臆說哉。故昔人以北國之  
但止視昴星者。又以海外諸國占于狗國星者。先儒往  
往致疑焉。以爲天地大矣。禹貢九州監矣。乃九州之占  
則適于天星。而九州外之濶遠。僅占一二星。豈理耶。其  
爲說最是。若知指南方隅之法。其疑立破矣。今姑作圖  
說。以俟明哲君子。其中仍中岳之舊者。五岳爲古聖王  
之所命。其祀至今不改也。嘗見太乙統宗分野全以九  
宮法定位爲限。其理亦近。乃出自李唐開元間。與一行  
實同時。而一行不能用。可知習俗之難挽矣。

復古分野





祭

分野各宮。若楚鄭魯衛周秦諸國。猶可假借于山海經內方外方之說。惟燕越最難強合。今但以燕越略考之。天官書曰。燕齊之彊。候辰星占虛危辰星北方之宿也。虛危連舍。燕齊亦並彊。其理不易。若尾箕與虛危間一舍。燕亦安得在吳宋間。故漢書五行志曰。文公元年二月癸亥日有食之。按是年二月癸亥晦入交二十六日二九合食限。乃立春之十二日。在營室。故劉向以爲齊公子商人結君之應。是矣。劉向謂燕越分原不驗。

又昭公三十一年十二月辛亥朔日有食之劉歆謂  
宋燕分按是年亥月朔立冬之初日在尾合食辰故  
劉向以爲吳滅徐蔡滅沈楚圍蔡吳敗楚入郢之應  
是矣燕亦無驗三十二年越得歲而吳伐之已見前

漢文帝七年九月有星孛于西方其本直尾箕末指  
虛危十六日不見劉向以爲尾宋地今楚彭城也箕  
爲燕又爲吳越齊宿是時景帝新立信明權錯將誅  
諸侯王其象先見後三年吳楚齊趙七國反皆誅滅  
燕亦不驗

後漢明帝永平九年戊午正月客星見五十日出牽

牛長八尺。歷建星。至房南滅。占曰。牽牛主吳越。房心爲宋。後廣陵王荆與楚王英俱謀逆。事覺。自殺。廣陵彭城之間。實尾箕之分。客星自斗牛至房南。原歷尾箕。於時燕無事。故不言尾箕。不知實應于廣陵彭城之間也。

西晉成帝咸康四年十二月。太白犯填星于箕。是年庾亮鎮武昌。與王導有隙。明年殺陶稱。蘇峻反。逼石頭城。蓋箕在吳宋之間。而燕亦不應也。

東晉武帝寧康元年。彗星出尾箕。長十餘丈。或名蚩尤旗。掃太微東井。自夏至。秋冬不滅。秦太史令張猛

言于苻堅曰。尾箕燕之分野。東井秦之分野。十年後。燕當滅。秦慕容暉父子兄弟。我之仇讐。而有列朝廷。臣切憂之。堅不納。至癸未。苻堅大舉代晉。秦兵號八十萬。阻肥水而晉謝玄等大破之。堅僅以身免。時秦諸軍皆敗散。惟慕容垂將三萬人獨全。堅往赴之。慕容寶等皆勸垂殺堅。垂不從。乃歸堅于秦。自請鎮慰北邊。苻丕欲謀垂。垂乃稱王于鄴。舉兵向長安。不克。還屯中山。明年慕容冲克長安。姚萇始代秦。按此所謂十年滅秦。驗矣。然謂燕滅秦。實非。特燕復興耳。肥水之敗。寶迫於晉兵。慕容垂坐觀成敗。未嘗動一刃。



也。蓋肥水之間左吳右宋原屬尾箕分野與燕無涉。當時燕秦史氏但知燕之復興秦之養寇自害且天文家原有尾箕屬燕之說遂得附會成言不究其真耳。且是時幽冀大飢高句麗陷遼東玄菟燕地方受兵慕容垂雖定都中山僅能自守安得爲掃除之主乎。

唐天寶九載庚寅八月五星聚于尾箕占者以爲安祿山反范陽稱燕帝之應然五星聚必有興王之祥聚井而漢興秦聚奎而宋郡汴若祿山不及兩年覆滅豈星聚之應蓋尾箕又爲後宮繼嗣之象漢書有

安帝廢太子之占。順帝繼嗣不興之驗。靈帝廢宋皇  
后之應。况星聚二舍。原非興王之兆。乃天寶之禍。蘊  
駭于楊氏也。

高宗光啓一年五月有星孛于尾箕。歷北斗攝提時。  
孫儒陷東都。田令孜奉僖宗幸鳳翔。朝廷號令。僅行  
山。劔數十州。自江淮以南。反側者遍南服。而楊行密  
據廣陵廬州。遂啓南唐基業。王潮據泉州。王審知據  
福州。馬殷據衡永。錢鏐封越王。皆吳宋以南百粵之  
地。尾箕之應也。燕代間却無事。至梁名契丹。已在二  
十年外矣。

明高帝洪武八年己卯四月甲寅日上有青氣在趙分恒山之北遼東之地上遣使諭潁川侯傅友德備邊按四月太陽躔大梁之次故曰在趙分而恒山遼東皆及之可知燕趙接壤分野所同亦不專以尾箕屬燕雜之吳宋之間也以上數條皆尾箕不當屬燕之驗其餘不能詳及具見考驗全編大約天事恒象原無營心地之東南西北卽大之東南西北也太古遼遠天象差移術家昧其本原遂多穿鑿而象數幽微尤難辨習說者不免事後附會要當揆之以理勿徒剽說可耳

萬曆五年九月二十九日壬午彗星見于尾箕長十  
餘丈光芒蔽南斗凡四十餘日占曰大臣憂盜賊起  
或吳越有兵火水後一一皆驗時元輔張居正以奪  
情被論吳中行趙用賢艾穆沈思孝鄒元標皆杖譴  
後三年居正亦死又三年追論居正罪籍其家長子  
自縊朝士更易殆盡先是五六年間充豫淮楊蘇松  
大水連年乏食幾危陵寢命潘季馴修河興大工而  
浙兵之變七營竝起勾連無賴已數萬人御史張佳胤  
撫定之捕斬五十餘人民間遭掠宸戚者無算皆  
尾箕斗分也而燕地卒無恙可知尾箕原與斗連舍

天元地理  
不得越齊魯而屬燕矣。

蘇伯衡曰分野之說其傳也遠而周禮春秋傳始詳焉左氏謂熒惑守心宋景禳其咎實沈爲祟晉侯受其殃鄭氏謂分野之妖祥主用客星彗孛之氣以爲象則驗陷祥於星土其法蓋古有之不可誣也然自漢以下星官史家叅之度數分毫析縷各極其至而十二次相配之理卒莫有明言之者嗟乎夫豈以不足言而弗言之歟唐天文志浮屠一行以河漢爲言固已疏遠及賈公彥輩乃援古昔受封之日歲星所在之辰其國屬焉以爲證若然則三代之分野皆當

不同而列宿所屬亦必有同焉者。嘗試論之分野視分星。古不謂地也。地有彼此之不齊。而分野在天。則一定而不易。以彼此不齊之地。必欲求配於在天。十二次整然之分野。其說之難通也。固宜。蓋分野者。指列星所屬之分而言也。鄭氏所謂星土。星所主土。是也。其國在此而星則在彼。彼此若不相配。而其爲象未嘗不相屬。非地之在北者。其分野在天亦居北。地之在南者。分野在天亦居南也。或曰。若然。則十二次之說。將無所徵歟。曰。十有二次。所以驗天運之度數。日躔之次舍。此蓋古法。而曆家之所取驗者也。因其

度數次舍之所在而妖祥見焉。則其所屬之地從亦  
可徵矣。抑分野之說固豈專係於是哉。發按分野之  
難知。蓋不特蘇公矣。然謂分野在北天星不在北分  
野在南天星不必居南。使得見地正之象。能無豁然  
深信其南北之不爽乎。要之天人合撰。實有不回之  
理。故神靈聖人能立法以前民用。其理本自易明。後  
人失其傳。遂臆爲紛更。愈巧愈遠。而經生腐儒乃不  
得不以聖人不語神怪一掃去之。竟不知欽天畏天  
爲何說矣。余嘗考歷代古人占驗。蓋不獨春秋諸家  
而已也。自五星聚井。入秦致應。秦井爲月暈參畢受困

平城

平城趙地畢之分野

星孛尾箕而七國起

文帝七年劉向曰尾米地

今彭城後七國反

星孛三台而江充禍國

元封元年三台大臣象

懷愍

之亂日中黑氣飛鸞屢見至于隕地夜出怪絕古今

而是時天下崩析亦為古今所僅有至唐武韋二后

相繼禍國五星亦聚于尾箕

尾箕為后宮之象

宋祖開業于

汴梁則五星又聚奎

奎為爵衛分野

莫不確有其應特所應

之法亦有不一致應于分野

斗牛吳女虛齊之類

或應于象體

斗為宰執大臣虛為丘墓宗廟之類

或應于天官職司

心為王志明堂尾為後宮化印

之災有輕重法無一定正天人相因相成之理也昔

人所謂移相移民之說雖非正道却亦理之所有譬



之欣梁公立受妖人咒術而妖人自歿妖不勝正固

常理也五行七政垂行紊度虹霓薄蝕降災行令亦

天地之戾氣人能正身體道以應之自不受災咎亦

是普理何必謂定數不可挽回造化乎特挾此以言

術必有欺罔之蔽故聖賢君子寧舍此而取彼若沾

沾乎分野之求而一不應輒謂天道不足問乃聽諸

術士變亂而莫究其理豈淵通之見哉卽如蘇公所

謂星在此而國在彼亦必有神靈聖人命之而後能

爲立驗若易一姓必更一術士以亂亂之爲時王之

制如漢如唐如宋各各不同亦能有驗乎要皆不知

分野之源出于三正。有一定不易之理。正在十二方。偶之不可紊也。何則。上古神靈聖人制曆。非庸人術士所可穿鑿附會者也。惟歲差之法。日異而月不同。作曆者不可不知。今之作曆者。執守師傳而不敢變。天文星土任意搬弄。而日新所謂動靜顛倒。因革反常者矣。

康熙丁巳冬十一月。御史成其範疏言。熒惑入井。分九十餘日。宜用兵進勦滇蜀。

上從之。大益兵進勦。明年正月。吳逆果敗。連退五百餘里。漢中。成都。龍安。重慶。潼川。五府皆復。抵瀘水而軍。

時論者以爲井鬼屬雲南分野。何以不驗于滇楚而  
驗于川蜀。予曰。此古法所以不可變亂也。蓋古法井  
鬼止屬秦隴岐岷之地。原不涉滇楚。自李淳風始以  
井鬼竄入邛笮甸焚。至于桂林象郡。所謂多其端緒。  
以希偶中耳。竟不知天象自有定理。萬古不能泯滅。  
者。後庚申歲。成公以權嚙來浙。予以曆書就正之。因  
言及此。成公潑爲首肯。遂被契合。且力贊全書之刻。  
并贈學貫天人之額。惠以弁言。蓋成公于天文曆數。  
得異人秘授。決勝敗災變。大小皆奇中。蒙

朝廷眷注。天下想望風彩。以爲神人。其虛衷如此。今

家但知相沿俗本而不知皆唐宋人杜撰變改非古  
聖人之舊所以占驗不應若星宮定度諸家不同亦  
不解其故但守師傳依樣畫葫蘆欺人而已。又如堪  
輿家亦有三百六十度天星穴法乃顛倒曆術也冬  
至起危初徐試可猶能知之列于羅經而時衍却用  
女二起子不知子初與子中相去十五度其誤謬何  
可勝言。要之歲差之理天象日異而月不同無一孔  
那停息。聖人設爲三正以前民用萬世不可更紛者  
動靜殊體天人異用也。據理堪輿穴法不用星度則  
已若用星度當以地正畢九起子中審其星象之吉

因面論之。庶爲合理。嗚呼。安得聖人復起而從吾言。

反。

起地元分野法

經曰地皇氏之世相厥山川居方定野爰有天靈授錄  
玄女授圖示星官之形判神龍之職而畫土分理起為  
故地有山嶽天有星氛山嶽之精升而成象星氛之質  
頌而為石周天三百六十環行無息而佑靈統治盛衰  
之運不爽矣今考歷代方圖興衰確有其占不以時數  
遠近變易是知古聖神靈之立法原自天運開授非臆  
為造作也

置天周三百六十五度二五八五三八減三之二存一  
百二十一度七五二八四六以差法六十二乘全度

不及度者以歲差一百六十一分二九而一為歲歸  
之得七千五百四十八年八個月零為統歲乃天皇  
氏與地皇氏禪治之候也。

置天周三之一加軫宿八度五逆除全宿將以下除七  
度二五二八四六反減得畢宿八度七四七一五四  
在子之中為天正冬至平旦斗魁建子地元度自此  
至井十二度謂之玄枵之次分野正北右地以下子  
置次法

三十〇度四三八二一一五加入次  
宿度順除之餘不全宿為入後次度

自井十二度一八五三六五五至柳六度謂之姬訾之  
次分野西北隅地

自柳五度六二三五七七至張十四度入降婁之次分野正西左地。

自張十四度〇六一七八八五至軫九度謂之大梁之次分野正西右地。

自軫八度五至氏初度謂之實沉之次分野西南隅地。自氏初度之六七九六七三五至尾六度謂之鶉首之次分野正南右地。

自尾六度一一七八八五至斗八度謂之鶉火之次分野正南左地。

自斗七度五五六〇九六五至女四度謂之鶉尾之次。



分野東南隅地。

自女三度九九四三〇八至危十二度。謂之壽星之次。  
分野正東左地。

自危十二度四三二五一九五至奎初度。謂之火之  
次。分野正東右地。

自奎初度之八七〇七二一至胃三度。謂之析木之次。  
分野東北隅地。

自胃三度三〇八九四二五至畢九度。謂之星紀之次。  
分野正北左地。

左氏傳曰古之火正或食于味以出內火


左氏傳曰古之火正或食于味以出內火  
是故味爲鶉火心爲大火陶唐氏之火正閼伯居商  
丘祀大火而火紀時焉相土因之故商主大火夫火  
乃南方之定位故火正必居南服猶之羲和寅賓必  
居嵎致永必宅交各從其方也閼伯主火而居商丘  
商丘在南本火位非閼伯居之而後屬火也凡五官  
皆然要知分野在前封國主祀在後非先因封國主  
祀而後有分野也今閼伯之祀已絕商宋之國已廢  
而大火猶屬商分疑而不信遂多穿鑿變亂舊章皆  
由不得上古分野之原耳

王伯厚曰定之方中。公劉詩擇地法也。我辰安在。論命之說也。傳云。不利子商。則見姓之有五音。詩吉日。惟戊。則見支幹之有吉凶。發按卦始伏羲。陰陽吉凶之理已備。何待六經之日。今堪輿家卦炁。猶用連山易。乃商易也。然世傳連山本起伏義。要之易以道陰陽。未有不源伏羲者。特後聖因時變化。卽爲一代之制作耳。今攷堪輿家星起危初。實在唐堯前日。雙說者又云。以成湯歸藏爲透地內卦。以夏禹連山爲分金外卦。亦古聖人之舊。非造自禹湯也。子夏曰。商聞山書。地東西爲緯。南北爲經。山爲積德。川爲積刑。商

者爲生。下者爲死。丘陵爲牡。谿谷爲牝。蚌蛤蠃珠與  
月爲盈虛。此實堪輿之理。今堪輿家言已盛行于世。  
儒者于曆數之學。多所不信。而獨于堪輿家言。最莫  
逆焉。要亦學道之心。不若求福之真也。竟不知也。理  
原本天星。斗建既移。天星安得不變。空言求福。終然  
夢語耳。天星無定體。方隅有定位。聖人以無定之星  
體。配諸有定之方隅。必有道焉。合天人之撰。今術家  
能守唐堯之象。而不知亦一時變遷之象。非三皇神  
靈制度。豈能有効。故術家亦但以別分金之目耳。若  
依地正畢九起子中。當更有奇驗者矣。

黃帝素問岐伯曰太始天元冊文云丹天之氣經於  
牛女戊分，鈐天之氣經於心尾，已分蒼天之氣經於  
危室柳鬼，素天之氣經於亢氐昂畢，玄天之氣經於  
張翼婁胃，夫牛女在戊，心尾在已，正地統也。蓋丹者  
火氣，故在已；鈐者土氣，故在未；蒼者木氣，故在東北；  
白者金氣，故在西北；玄者水氣，故在正北。與地統星  
次，鑿鑿無異。然則素問之書斷然三代以上書也。人  
受天地之氣以生，其病亦因天地之氣而作。故醫者  
必究五運六氣，其理遠矣。今書雖存，而注家謬誤亦  
由三正淪亡，以漢人諸說附會之耳。

# 素問五氣圖



升天之氣經于  
 牛女戊分戊在  
 巳地統牛女與  
 巳連也於天之  
 氣經于心尾已  
 分巳在木地統  
 心尾與巳連也  
 於天起危室而  
 經柳鬼素天起  
 角亢而經茹畢  
 玄天起胃鼎而  
 經張翼主火  
 統之方也  
 人謂其

五運六氣說

天五運者每歲甲巳爲土乙庚爲金丙辛爲水丁壬爲  
 木戊癸爲火是也六氣者子午歲少陰君火司天陽明  
 燥金在泉丑未歲太陰濕土司天太陽寒水在泉寅申  
 歲少陽相火司天厥陰風木在泉卯酉歲陽明燥金司  
 天少陰君火在泉辰戌歲太陽寒水司天太陰濕土在  
 泉巳亥歲厥陰風木司天少陽相火在泉是也內經曰  
 應天爲天符承歲爲歲直三合爲治所謂天符者上運  
 之歲上見太陰巳亥二歲也火運之歲上見少陽戊寅  
 庚申也土運之歲上見太陰己丑己未也金運之歲上  
 見少陰壬辰壬戌也水運之歲上見太陽癸巳癸亥也

卯乙酉也木運之歲上見厥陰丁巳丁亥也水運之歲  
上見太陽丙辰丙戌也丙巳未戊午乙酉爲太一  
天符所謂歲會者木運臨卯丁卯也火運臨午戊午也  
土運臨四季甲辰甲戌己丑己未也金運臨酉乙酉也  
水運臨子丙子也丙戌午乙酉巳未爲太一天符  
天符爲執法歲會爲行令太一天符爲貴人三合者天  
氣運氣與年辰俱會也天氣始于甲地氣始于子終于  
癸亥四歲爲小周十五歲爲大周是故寅午戌歲氣會  
同卯未亥歲氣會同辰申子歲氣會同巳酉丑歲氣會  
同陰陽法以是爲三合者緣其氣會同也不爾各居一



方義無由合。又甲辰甲戌太宮下加太陰壬寅壬申太  
角下加厥陰庚子庚午太商下加陽明爲同天符癸巳  
癸亥少徵下加少陰辛丑辛未少羽下加太陽癸卯癸  
酉少徵下加少陰爲同歲會。是謂平氣。天符歲會主司  
天同天符歲會主在泉亦互相爲用也。故云非其位則  
邪當其位則正。假如木運水氣又臨卯位此爲密位。木  
遇金爲非位。又曰氣相得則和不相得則病。水火相臨  
爲相得。金木相臨爲不相得。餘倣此。此皆六氣之常也。  
及論其變則有正有邪。而又有變有勝有復有鬱有  
有淫有承。當時而行者正也。非時而行者邪也。當時

行其過則爲變。非時而行其至則爲勝。其救則爲復。抑而不伸則爲鬱。鬱而怒起則爲發。發其所勝則爲淫。極而必反則爲承。假如太角之化爲啓折而變爲摧拉。太徵之化爲暄煥而變爲炎烈。正化之爲變者然也。少角木氣不足。清勝而熱復。少徵火氣不足。寒勝而雨復。邪化之爲復者然也。寒甚而無陽發。是爲火鬱。熱甚而無妻清。是爲金鬱。抑而不伸者然也。水鬱而發則爲冰雹。土鬱而發則爲飄驟。鬱而怒起者然也。風淫所勝則克太陰。熱淫所勝則克陽明。陵其所勝者然也。相火之下。水氣承之。濕土之下。風氣承之。極則有反者然也。凡此

者其應非有候。其至非有期。是以可知而不可必也。其應非有候。則有不時而應者矣。其至非有時。則有卒然而至者矣。是故千里之遠。其變相似者有之。百里之近。其變不同者亦有之。卽其時當其處。隨其變而占焉。則吉凶可知。蓋素問所以論天地之氣化者。將以觀其變而救民之疾也。夫大而天地小。而人之一身。五行之氣。皆在焉。天地之氣有常無變。則人亦和平而無災。天地之氣變而失常。則疾病之所從出也。是故木氣勝則肝以實病。脾以虛病。火氣勝則心以實病。肺以虛病。此醫者所能致察。儒者不得其詳也。至於官天地。理陰陽。順

五行使冬無愆陽夏無伏陰春無凄風秋無苦雨和平  
之氣行於兩間國無水旱之災民無妖孽之疾此儒者  
所當致察醫家未必能知也素問亦略言之矣五行之  
精是爲五緯與運氣相應有歲星有畏星以此察其行  
之逆順而占其吉凶然必曰德者福之過者罰之則是  
運氣之和平而爲休祥有德召之也運氣之乖戾而爲  
疾青有過者啓之也天人之理應若桴鼓而人不能信  
不知五運六氣之出于三合也人受天地之中以生臟  
腑之氣必與天氣相應則骸骨之氣亦必與地氣相感  
此理也理不可見則見之於數於是臟腑之氣見于三

天元層理

三八

三

關○而○骸○骨○之○氣○見○於○八○卦○八○卦○通○乎○地○三○關○按○乎○天○一○  
人○之○身○天○地○應○焉○彼○倖○父○者○以○爲○人○死○則○骸○骨○毀○矣○烏○  
能○復○爲○禍○福○豈○不○聞○龍○骨○致○雨○駝○骨○驚○馬○乎○彼○駝○與○龍○  
一○獸○物○耳○猶○能○若○是○而○况○於○萬○物○之○最○靈○者○乎○吾○以○此○  
知○地○正○分○金○必○有○驗○于○骸○骨○者○嵩○山○人○不○欺○吾○矣○

人統爲司命人元說

夫子曰不知命無以爲君子程子曰人不知命則見害必避見利必趨何以爲君子夫子曰死生有命富貴在天朱子曰命稟有生之初非人所能強聖賢論命皆切實至理今人或習于虛浮見解不究真實少年狂妄之徒輒謂無命昔人譬之孤豚不知母夫子不知父良不虛矣又有一種迂腐之士高談闊步聖賢自居輒謂大造命非陰陽所能主欺天罔人甚于撻芥矣蓋命者人所受于天之理天地有陰陽之炁七政有生剋之數循環運行無時停息故人生時所感之炁卽爲終身受

聖人本領  
只在一部  
大易以語  
可之

休○咎○之○數○炁○者○數○之○本○數○者○炁○之○跡○炁○無○形○而○數○有○形○  
以○有○形○之○數○測○無○形○之○炁○是○謂○之○與○故○聖○人○作○易○一○本○  
乎○數○數○卽○炁○炁○卽○理○理○炁○數○之○極○窮○理○盡○性○以○至○于○命○雖○  
天○地○有○不○可○違○而○况○于○人○乎○是○以○君○子○探○賈○索○隱○樂○天○  
知○命○則○義○利○不○乖○而○伎○求○無○累○小○人○不○知○命○往○往○有○進○  
無○退○蠅○營○狗○苟○以○至○于○狗○身○履○祀○邵○子○曰○人○不○能○自○富○  
必○天○與○之○富○人○不○能○自○貴○必○天○與○之○貴○然○亦○有○求○之○而○  
得○者○求○其○可○得○者○也○昧○者○不○知○可○得○則○謂○已○之○能○而○矜○  
之○不○得○則○謂○人○不○與○而○怨○之○如○知○可○得○不○可○得○之○理○天○  
下○安○有○不○知○量○之○人○嗟○嗟○邵○子○能○知○命○之○本○矣○今○術○家○

星命一法推人休咎頗有定理其星盤以女二度起于  
中實人統之象乃古聖人司命司祿之制故能萬古循  
行而不爽蓋先天之易乾南坤北离東坎西風雷相薄  
山澤通氣故以日月居午未即乾之全體也以土居子  
丑即坤之本位也以火居卯即离火而從震木之母以  
金居酉即兌金而從坎水之子也兌爲澤故水又互居  
于申巳而斗建左行月朔右行則六合之義起于是寅  
爲木亥亦爲木卯爲火戌亦爲火酉爲金辰亦爲金巳  
爲水申亦爲水此星宮之所由立一本乎先天者也若  
以三正合觀之則又有制化之理焉先天水禽在北水



精理秘義  
從無人道  
破解者即  
是上智人

天元曆理

入

聖

受制于土。故子丑得土而為福。先天寅亥地禽之位。土

受制于木。故寅亥得木而後良。先天卯戌山禽之舍。山

者金炁。故受火制。先天辰戌林禽也。林者木炁。故受金

制。先天巳申飛禽也。飛者屬火。故受制于水。先天午未

家禽。敵禽也。故受制于日月。日為德。月為刑。德刑所以

生萬物。成萬物也。故人之生本乎天。而天有禽星實司

人命。十二生肖即二十禽星之性。亦有五行。却非干支

之五行。干支五行。天地之正炁也。人受之而生。禽星五

行。山林土地之方炁也。物受之而化。故庶物有此方有

彼方無者。不能遍天地。正炁為德。方炁為孽。故聖人以

微乎微乎  
張子房  
涉人方能  
悟此

七政五行之正。烝制之而後爲吾川孽。不勝德也。人爲  
陽物。爲陰禽。性作于夜。而伏于晝。故聖人命禽于夜。而  
命人于晝。禽能司夜。而不能司晝。黃帝作陰符。以制兵。  
曰禽之制在烝。又曰八卦甲子。神機鬼藏。兵者陰道。故  
禽能司之。於是得其制。則福失其制。則凶。生其制。則生。  
死其制。則死。偏烝之物。其力必猛。故以制爲用。不制則  
爲害。陰陽倚伏之道。殆如易之六爻。可以通天下之志。  
定天下之業。斷天下之疑者也。自有庖氏怠棄三正。三  
統之制。不可復覩。惟人統與周初天象相近。乃得僅存。  
至今傳之。世謂十一星行曆起唐初。都利術士來自聿

天元曆理

三

四

斯國乃古人之術遠國猶能存之也。謂遠國所造妄矣。

參

困學紀聞曰：朱文公嘗問蔡季通：十二相屬起於何時？首尾何書？又謂以二十八宿之象言之，唯龍與牛爲合，而他皆不類。至于虎，當在西而反居寅，雞爲鳥屬而反居酉，又舛之甚者。韓文考異：毛穎傳：封卯地，謂十二物未見所從來。愚按：吉日庚午，旣芒我馬，午爲馬之證也。季冬出土牛，丑爲牛之證也。蔡邕月令注曰：十二辰之會五時所食者，必家人所畜。丑牛、未羊、戌犬、酉雞、亥豕而已，其餘虎以下非食也。月令正

彖云雞爲木羊爲火牛爲土犬爲金豕爲水但陰陽  
取象多途故午爲馬酉爲雞不可一定又十二物見  
論衡物勢篇說文亦謂巳爲蛇象形發按十二辰之  
屬皆取二十八宿之中星耳如女虛危在子宮則取  
鼠虛日鼠爲子宮之中星也中炁全而偏炁雜故二  
十八宿只以十二命之其義易見儒家不解穿鑿乃  
多皆不必也

祭

周禮大宗伯以粢粢祀司中司命天有司民司祿劉  
向謂民受天之中氣以生蓋中者天地之至德而民

受之以生。故帝王用之以成治。聖人致之以成聖。此  
生人之理。未有不受命于天之中者。是以天有司中  
司命之神。星辰有司民司祿之職。亦理數所必然。聖  
人乃制爲祿命之法。以推吉凶禍福。其理不外乎五  
行生剋制化。卽作易以前民用之意也。故太歲在子  
而生。得虛日鼠之中氣。在丑得牛金牛之中氣。十二  
歲皆然。乃聖人最德成人之意。嵩山道人謂一歲有  
三禽四禽。皆屬人命。蓋以太歲入宮淺深分之。其理  
奇矣。近閱大藏經。亦有此法。乃知古法本如是。而後  
人從簡耳。

起人元司命法

經曰：天有五行，人有五德，受中以生，稟天為則，萬物皆承天之氣，而人之氣獨全，故人于萬物為最靈，其生時之氣有中和駁雜，乖戾順逆，人受此氣為一生休咎禍福之應，其象本于天星，其理出于斗憲，人不能知，惟皆聖人知之，乃制為人正之法，以隸七耀，使人知吉凶趨避，蓋人皇氏之世也，今為三正之一。

指天周

三百六十五度二  
五八五三八

如地元法減三之二存一百二

十一度七五二八四六，從地元餘畢八度七四七一

五四，逆除之，至虛宿餘八度〇〇五六九二，反減得

女宿三度九九四三〇八起子中爲人元大正冬至  
黃昏斗杓建子人元度

自女三度九九四三〇八至危十二度謂之玄枵之次  
水禽旺處喜土制土廟

自危十二度四三二五一九五至奎初度謂之娵訾之  
次地禽合處得木成川木樂

自奎初度之八七〇七三一至胃三度謂之降婁之次  
山禽旺處喜火制火廟

自胃三度三〇八九四二五至畢九度謂之大梁之次  
林禽合處得金成用金樂

自畢八度七四七一五四至井十二度謂之寶沆之次  
飛禽合處得水成用水樂

自井十二度一八五三六五至柳六度謂之鵲首之次  
柔禽旺處服于太陰太陰廟

自柳五度六二三五七七至張十四度謂之鵲火之次  
剛禽旺處服于太陽太陽廟

自張十四度〇六一七八五至軫九度謂之鵲尾之  
次飛禽旺處喜水制水廟

自軫八度五至氐初度謂之壽星之次木禽旺處喜金  
制金廟



自氏初度六七八九六七三五至尾六度謂之大火之次  
山禽合處得火成用火樂

自尾六度一一七八五至斗八度謂之析木之次地  
禽旺處喜木制木樂

自斗七度五五六〇九六五至女四度謂之星紀之次  
水禽合處得土成用土樂

古人正古法與周初歲差日躔度相近故術家潤之  
以女二起玄枵每舍差二三度實非三正之遺也試  
以祿命行限過宮驗之自得

### 三統三正總論

檀弓夏后氏尚黑孔穎達疏曰三正記云正朔三而改文質再而復以此推之自夏以上皆正朔三而改也竊按所謂三正記者今雖不可得見必古之傳也其云正朔三而改所謂三者何蓋三建也三建歷遍入第四建必值六千七百八十改朔之期此時當減一閏謂之改若子曰建三而改是復也非改矣文質者卽文質忠之三尚省文耳更一建則更一尚歷四建則文質再矣乃復用建寅爲春也古文深厚不易解漢人以易姓改朔附會之失其理矣天官書曰天運三十年一小變

百年中變五百年大變三大變一紀三紀而大備爲國者必貴三五故孟子亦有五百年王者興之說所謂王者聖人也非易姓卽爲王者也易一姓必更一尙改一朔不以天道人事爲兒戲乎故必歷五百年或三紀大備之遠今考一代經傳原無改朔之事但夏以正月商以十二月周以十一月爲頒朔治之始耳亦不改月可見古人欽若天道不敢變亂舊章惟稍易歲首大政以新民耳目所謂順天革命也今以天象古法推之唐堯卽位實當地統人統相禪之際故命羲和定中星確有更創制度之意蔡邕命論曰頒頒曆術天元正月巳

已朔旦立春。日月起于天廟營室五度。夫古人作曆必始冬至。若立春日在營室五度。冬至宜退轉四十五度。應在牽牛初堯時。冬至日已在虛安得顓頊時。冬至日反在牽牛。此必無之理。殆漢人附會日月起牽牛之法。改顓頊曆冬至作立春也。今試以天輪考之。顓頊之世尚在地統。當用平旦建冬至日在營室五度。以營室五度加卯中斗魁。却入酉。是仲冬建酉。季冬建戌。孟春建亥也。乃知顓頊曆實用平旦建。而堯命中星舜察璇璣方是遵奉古法之傳。爲改建經營。然猶至夏后氏而始定。始頒夏時于方國。以斗柄懸在下爲正月。實昏建。

天元曆理

卷之四

三

之初矣。故有扈。怠棄三正。變法之初。術家未信耳。少昊氏五。鳥司天。九扈司農。古人農事。一稟于曆。有扈居國之南郊。天曆所在。不能遵行。故曰怠棄三正。若亘古正月建寅。何煩三聖人之屑屑乎。此三統三正之在天官遺文。雖簡注疏復誤。猶可以理數推測而得者也。非高山道人之啓予其敢出哉。

參

【史記】歷書原有四正。索隱謂冬至時加子爲正北。加酉爲正西。加卯爲正東。加午爲正南。按加子卽夜半也。加酉卽黃昏。加卯卽平旦也。加午在冀。天象不見。

故不用止用三正實建法之祖後人但知有昏建而不知有平旦夜半建故不明乎三正之理或曰漢人四分法冬至必在于午卯酉故有四正夫冬至安得必在子午卯酉哉以子午卯酉爲四正正屬漢人疎處良由古法失傳而臆爲之解也漢末常山長史劉洪曰孔子緯一事見二端者明曆興廢隨天爲節甲寅曆十孔子時效故魯僖公云天元之始於十一月甲子夜半朔旦冬至日月若合璧五星如連珠夫三代至春秋皆用昏建久矣而天元之始獨于夜半豈非建法不同之明驗歟大約古法至春秋之際但有

師家傳述殘缺而不得其全數故多異說耳或曰然則鄭康成謂帝王易代莫不改正朔堯建丑舜建子是歟曰此又不然康成踵劉歆之穿鑿以改正爲循環非古法欽若改建之循環也改建必千八百餘年安得有堯丑舜子之理但以數推之堯舜實當變統易建之際決與古法有更張耳

或曰歲差之理旣明則天道左旋右差無刹那陳跡何以聖人復有三正之設乎曰此正聖人參贊化育之道也蓋天之造化萬物無刹那停息其理幽微不可窺測聖人乃立法以著之此非神靈之聖難以言

矣。故三正出三皇氏所謂爰定三辰是也是以吉凶禍福之占萬古不變。苟非神靈之人其孰能之。今庸術不知歲差者以祿命家人正爲定象。猶夫漢人執牽牛爲冬至常星也能知歲差者又以移易宮度爲新奇。猶夫宋儒謂夫子用夏時冠周正以撝素王之權也。二者俱謬。不知天人之象有動有靜有體有用。靜者其常而動者其變。體藏乎本而用見乎時。故剛柔燥濕五行之常性而違其理者。金不剛木不柔火不燥水不濕。飛潛動植萬物之常理而失其性者。鳥不能飛魚不能潛獸不能走卉不能榮。此三才五行



所以有常變之異也。豈得執一術哉。明乎三正之不可廢。可以知天道矣。

連山。歸藏。周易。爲三易。于令升曰。天地定位。山澤通氣。雷風相薄。水火不相射。此小成之易也。爲先天伏羲氏之易。而文王因之。帝出乎震。齊乎巽。相見乎離。致役乎坤。說言乎兌。戰乎乾。勞乎坎。成言乎艮。此連山之易也。

爲中天。列山氏之書。而夏人因之。

初夷。

卽坤

初艮。

初兌。

初離。

卽坎

初震。

初巽。

初乾。

初歸。

卽震

藏易也。爲大成。爲後天。軒轅氏之書。而商人因之。夏得人統。故歲首建寅。而卦首震。商得地統。故歲首建

止而卦首坤。周得天統。故歲首建子而卦首乾。觀此  
三易之合乎三統三正。其來久矣。昔人亦有知之者。  
特不能究乎天象之原。皆由不知差移之理也。今差  
理既明。三正顯著。諸家術數。不謀而合。可以知天象  
動靜之理。造化體用之道。故萬古自在。作曆不可不  
知。三統術家不可不知。三正二者異法相須。並行不  
悖。天道由此正。人事由此而定。陰陽造化之權。繫之  
君相。不爲術士汨陳矣。

三ノリ